

DipeSalome 68:1,2 Pesalome ya ga Dafita. Sefela se se kwaletsweng moopedisi. 2 Fa Modimo o nanoga, baba ba ona ba phatlalala; ba ba o tlhoileng ba tshaba fa pele ga ona.

DipeSalome 5:10,11 Gonne ga go na sepe se se ikanyegang mo melomong ya bona; mateng a bona ke tshenyego; memetso ya bona ke mabitla a a athlameng; ba rethefatsa diteme tsa bona. 11 Ba bee molato, Modimo; a ba we ka ntlha ya maano a bona; ba leleke ka ntlha ya bontsi jwa ditlolo tsa bona; gonne ba a go rukhutlhagela.

DipeSalome 7:1,2(1-3) Sefela sa ga Dafita se o se opeletseng Morena ka ntlha ya mafoko a ga Khuše wa Mogenyamene. (2) Morena, Modimo wa me, ke tshabela kwa go wena; nkgolola mo bapatiking botlhhe ba me, o mpholose, 2(3) e se re gongwe ba nkgagola jaaka tau, ba mphamola go se ope yo o gololang.

DipeSalome 11:6 O tla nesetsa baikepi magala; molelo le sebabole le ledimo le le bolelo ke tsona senwelo sa bona se ba se abetsweng.

DipeSalome 18:2(3) Morena ke lefika la me le phemelo ya me ya kwa thabeng le mogolodi wa me; ke Modimo wa me le lefika la phemelo la me, le ke tshabelang kwa go lone, le thebe ya me le ionaka lwa me lwa pholoso le kago ya phemelo ya me.

DipeSalome 18:14(15),17(18) a hula metsu ya gagwe, a phatlalatsa baba; a rathisa tladi, a ba tshosa. 17(18) A nkgolola mo babeng ba me ba ba thata le mo go ba ba ntlhoileng; gonne ba ne ba mpheta ka thata.

DipeSalome 18:39(40),45(46) O ntlamile ka thata go tlhabana; o dira gore bona ba ba ntsogetseng ba ikobe fa tlase ga me. 45(46) Bomorwa baeng ba a koafala; ba a tla, ba roroma, ba tswa mo maiphitlhong a bona.

DipeSalome 18:48(49) o nkgolola mo babeng ba me ba ba bogale. Wena o nkgodisetsa ba ba ntsogelang, o nkgolola mo monneng yo o setlhogo.

DipeSalome 23:3 O lapolosa mowa wa me; o ntsamaisa mo ditseleng tsa tshiamo ka ntlha ya leina la gagwe.

DipeSalome 27:11 Morena, nthute tsela ya gago, o ntsamaise mo tselaneng e e papannweng ka ntlha ya baba ba me.

DipeSalome 31:15(16) Sebaka sa me se mo seatleng sa gago. Nkgolole mo diatleng tsa baba ba me le mo go ba ba ntelekileng.

DipeSalome 34:4(5),7(8),13(14) Ke ne ka batla Morena, mme a nkaraba, a ba a nkgolola mo dipofong tsotlhhe tsa me. 7(8) Moengele wa Morena o thibelela tikologong ya bona ba ba mmoifang, a ba golola. 13(14) Thibela loleme lwa gago mo bosuleng, le molomo wa gago gore o se ka wa bua tsietso.

DipeSalome 34:17-19(18-20) Basiami ba biditse, mme Morena a utlwa, a ba

golola mo ditlalelong tsotlhе tsa bona. 18(19) Morena o gaufi le ba ba pelo di thubegileng, o pholosa ba ba mewa e kgobegileng. 19(20) Dipogo tsa mosiami di dintsi, mme Morena o di mo namolela tsotlhе.

DipeSalome 35:1-8 Pesalome ya ga Dafita. Morena, ganetsa ba ba nkganetsang; tlhabana le ba ba tlhabanang le nna. 2 Tsaya thejana le thebe, mme o nanogele thusong ya me. 3 Somola lerumo o thibelele babogisi ba me tsela; raya mowa wa me o re: "Ke nna pholoso ya gago." 4 Ba ba batlang go mpolaya, a ba tlhajwe ke ditlhong, ba nyatsege; ba ba logang maano go ntirela kotsi, a ba busediwe kwa morago, ba sosobane. 5 A ba nne jaaka moko mo phefong, a moengele wa Morena a tle a ba kgophole. 6 A tsela ya bona e nne lefifi le boreledi, fa moengele wa Morena a ba leleka. 7 Gonе ba nkaletse letloа la bona ka bomo mo sephiring, ba nkepela lemena kwa ntle ga molato. 8 A tshenyego e mo wele a sa itse; a letloа le a le adileng sephiring le tshware ene; a a wele mo gopong ka esi.

DipeSalome 35:10 Marapo a me otlhe a tla re: "Morena, ke mang yo o tshwanang nao, yo o gololang motlhomolapelo mo go yo o mo fetang ka thata, le motho wa batho le mohumanegi mo go yo o mo thukhuthang?"

DipeSalome 36:7-9(8-10) Kana bopelontle jwa gago, Modimo, bo molemolemo jang ne! Bana ba batho ba tshabele mo moriting wa diphuka tsa gago. 8(9) Ba ja monate wa monono wa Ntlo ya gago; o ba nosa mo nokeng ya dinatefo tsa gago. 9(10) Gonе motswedi wa bophelo o fa go wena; re bona lesedi ka lesedi la gago.

DipeSalome 37:5 Laolela Morena tsela ya gago, o mo ikanye, ena o tla dirafatsa;

DipeSalome 37:23,24 Morena o tlhomamisa dikgato tsa monna, fa a kgatlhwа ke tsela ya gagwe. 24 Le fa a ka wa, ga a wele ruri; gonе Morena o tshwere seatla sa gagwe.

DipeSalome 37:40 Morena o a thusa, a ba namolele; o ba namolela mo baikeping, a ba pholose, ka ba mo ikanya.

DipeSalome 39:1 Pesalome ya ga Dafita e e kwaletsweng Jeduthune, moopedisi. (2) Ke rile: "Ke tla tlhokomela ditsela tsa me gore ke se leofe ka loleme lwa me; ke tla bofa molomo wa me ka mogala, ka moikepi a sa ntse a le fa pele ga me."

DipeSalome 41:4(5) Ke rile: "Morena, nkutlwеle botlhoko; fodisa mowa wa me; gonе ke go leofetse."

DipeSalome 42:5(6),11(12) O obegetseng, wena mowa wa me, o huduegelang mo teng ga me? Solofela mo Modimong; gonе ke tla ba ke o lebogela thuso ya sefatlhego sa ona. (DipeSalome 42:6(7),11(12); 43:5)

DipeSalome 43:1 Nkatlhе, Modimo, o nkemele mo tshekong ya me le batho ba ba se nang lorato, o nkgolole mo bathong ba tsietso le ba tshiamololo.

DipeSalome 44:4(5) Modimo, ke wena kgosi ya me; laolela Jakobe diphenyo

DipeSalome 51:4(6) Ke wena o le nosi fela yo ke go leofetseng, ka dira se mo

matlhong a gago se leng bosula, gore e re fa o bua, o fitlhelwe o siame, mme o le phepa, fa o atlhola.

DipeSalome 52:5(7) Ka moo, Modimo o tla go digela ruri, o go tshwara, o go swatola mo tenteng ya gago; o tla go kumola ka medi mo lefatsheng la baphedi. Sela.

DipeSalome 54:7(9) gonne le nnameletse mo tlalelong yotlhe, mme leitlho la me le lebile baba ba me ka boitumelo.

DipeSalome 55:18(19) O golola mowa wa me ka kagiso mo tlhabanong e e ntlhasetseg; gonne ba ntokile ka bontsi.

DipeSalome 59:2(3) Nnamolele mo go ba ba dirang bosula, o nthuse mo banneng ba ba tshololang madi.

DipeSalome 60:12(14) Ka Modimo re tla dira ditiro tsa bonatla, mme ona o tla gataka baba ba rona.

DipeSalome 63:11(12) Mme kgosi e tla itumela mo Modimong. Mongwe le mongwe yo o ikanang ka ona o tla belafala; gonne melomo ya ba ba buang maaka e tla thijwa.

DipeSalome 66:3 Rayang Modimo lo re: “Ditiro tsa gago di tlotlometse jang ne! Baba ba gago ba tla go tlakisa ka ntlha ya bogolo jwa thata ya gago.

DipeSalome 68:6(7) Modimo o direla bannanosi legae; o golola bagolegwi, o ba gogele lesegong; mme baganetsi bona ba agile mo lefatsheng la komelelo.

DipeSalome 68:35(36) Modimo o boitshega go tswa mafelong a ona a a boitshepo. Modimo wa Israele ke ona o o nayang morafe thata le nonofo. A Modimo o bakwe.

DipeSalome 70:1,2 Pesalome ya ga Dafita ya kgopotso mo tshupelong ya tebogo e e kwaletsweng moopedisi. 2 Modimo, akofa o nkgolole; Morena, itlhaganele o nthuse.

DipeSalome 71:4 Modimo wa me, nkgolole mo letsogong la moikepi, mo letsweleng la mosiamolodi le la yo o setlhogo.

DipeSalome 71:13 A ba ba tlhabanang le mowa wa me ba tlhajwe ke ditlhong, ba fele; a ba ba batlang tlalelo ya me ba bipiwe ke nyatsego le tshotlego.

DipeSalome 72:12 Gonne o tla golola mohumanegi yo o goelang thuso le mmogisegi le yo o se nang mothusi.

DipeSalome 76:12(13) o o kokobetsang boikgantsho jwa dikgosana, o o tshabegang mo dikgosing tsa lefatshe.

DipeSalome 79:9 Re thuse, Modimo wa pholoso ya rona ka ntlha ya tlotlo ya leina la gago; o re namolele, o re itshwarele maleo ka ntlha ya leina la gago.

DipeSalome 86:17 Dira sesupo sa molemo mo go nna gore ba ba ntlhoileng ba se bone, ba be ba tlhajwe ke ditlhong, ka wena Morena o nthusitse, o bile o nkgomoditse.

DipeSalome 91:14,15 Ke tla mo pholosa, ka a nkgomaretse ka lorato, ke tla mo sireletsa, gonne o itse leina la me. 15 E tla re a mpitsa, ke mo utlwe, ke

nne nae mo tlalelong; ke tla mo namola, ke mo tlota.

DipeSalome 92:11(12) Leitlo la me le tla leba baba ba me ka kgatlhego, ditsebe tsa me di tla utlwela tatlhego ya basenyi ba ba ntsogelang ka boitumelo.

DipeSalome 103:10 Ga a re direla ka fa maleong a rona, le e seng go re busolosa ka fa ditshiamololong tsa rona.

DipeSalome 104:9 O beile molelwane o a sa ka keng a o tlola gore a se boe a khurumetsa lefatshe gape.

DipeSalome 107:6 mme ba goela Moreneng, ba le mo tlalelong, mme a ba golola mo dipitlaganong tsa bona,

DipeSalome 118:10,12 Baheitane bottlo ba ne ba ntsentse gare; mme ke ba remagantse ka leina la Morena. 12 Ba ne ba ntikanyeditse jaaka dintsi tsa dinotshe, ba tuka jaaka molelo wa mitlwa; mme ke ba remagantse ka leina la Morena.

DipeSalome 121:7,8 Morena o tla go sireletsa mo masuleng otlhe; o tla boloka mowa wa gago. 8 Morena o tla femela go bolola ga gago le go goroga ga gago go tloga jaanong go fitlha bosakhutleng.

DipeSalome 138:3 O nkutlwile mo letsatsing le ke go biditseng ka lone, wa nnaya bopelokgale le thata mo moweng.

DipeSalome 140:1(1,2) Pesalome ya ga Dafita e e kwaletsweng moopedisi. (2) Morena, nkgolole mo bathong ba ba bosula; o mpoloke mo banneng ba ba bodipa,

DipeSalome 140:4,5(5,6) Morena, mpoloke mo diatleng tsa moikepi, o mphemele mo banneng ba ba bogwama, ba ba ikaeletseng go ntigela lengopeng. 5(6) Baikgantshi ba mphitlhetsi mutlwane le serai, ba mpeetse letloa fa thoko ga tsela, ba nthaisitse ka seru. Sela.

DipeSalome 142:6(7) Ke goela kwa go wena, Morena, ke re: "Ke wena botshabelo jwa me le kabelo ya me mo lefatsheng la baphedi."

DipeSalome 143:9 Nkgolole mo babeng ba me, Morena, ke itiketsa ka wena.

DipeSalome 147:14 Ke ona o o nayang lefatshe la gago kagiso, o o go jesang mabele a a nang le moko.

DipeSalome 149:6-9 dipôkô tsa Modimo di le mo melomong ya bona le tshaka e e magale mabedi mo diatleng tsa bona, 7 go dirafatsa pusoloso mo ditshabeng le dipetso mo merafeng 8 go golega dikgosi tsa yona ka dikeetane le batlotlegi ba yona ka mefiri ya tshipi 9 go dirafatsa mo go bona katholo e e kwadilweng. Seo ke tlotlo ya baratwi ba gagwe. Haleluya!